



АКАФИСТ СВЯТИТЕЛЮ

САВВЕ СЕРБСКОМУ

Кондак 1

Избранный от Царя сил Господа Иисуса Христа / и призванный благодатию от королевскаго рода во иночество и архиерейство, / первосвятителю Сербския Церкви, богоносне отче Савво, / удовли нас восхваляти тя с любовью, яко богодарованнаго пастыря и учителя нашего; / ты же, имея дерзновение ко Господу, / вкупе с отцем и братом твоима по плоти, мироточивым Симеоном и преподобным Симоном, первовенчанным краем, / молися выну о спасении всего достояния своего, Православнаго народа сербскаго, / и о нас грешных, избавляя от всяких зол, бед и скорбей, вопиющия ти: // «Радуйся, святителю Савво, первопаству и учителю Сербский, дивный чудотворче».

Икос 1

Ангельскую чистоту от юности возлюбив, Савво блаженне, во младости великий подвижник благочестия показался еси, во еже всем дивиться благонаравию и благочестию души твоея, зане яко юноша сый и королевич рождением, постом, бдением и молитвами, плоть твою обуздal еси. Сего ради и слышиши от нас похвальныя песни таковыя:

Радуйся, отца благочестиваго и матери благонаравныя, сыне Богом возлюбленне;

Рáдуйся, еди́наго Бо́га всем се́рдцем твои́м
возлюби́вый;

Рáдуйся, рождéнием твои́м роди́теля утёшивый и
неплóдие ёю разреши́вый;

Рáдуйся, плод благословéнный, мно́гими моли́твами
испро́шенный;

Рáдуйся, кра́левскаго ро́да Не́мани о́трасль
святопрозя́бшая;

Рáдуйся, Се́рбския земли́ духо́вная красото́;

Рáдуйся, роди́телю твоёю в ста́рости утешéние и
ра́дование;

Рáдуйся, има́ па́че други́х ча́д, зело́ люби́мый;

Рáдуйся, плотоуго́дие ещё́ во мла́дости отве́ргнувший;

Рáдуйся, о благи́х небéсных па́че не́же о земны́х вы́ну
помышля́вый;

Рáдуйся, чистоты́ душе́вныя и телéсныя до́брый
рачи́телю.

Рáдуйся, святи́телю Са́вво, первопа́стырю и учи́телю
Се́рбский, дивный чудотво́рче.

Кондак 2

Видев суету́ и непостоянство сла́вы земны́я, Са́вво богому́дре, устремі́лся еси́ ду́хом твои́м в го́рняя ко Го́споду, И́же зря́ твоё желáние божéственное, посла́ к тебе́ и́нока преподо́бнаго из святы́я горы́ Афóнскаго, егóже поучéнием наставля́емый, оста́вил еси́ роді́теля тво́я и отéчество твоё́, в жрёбий же земны́й Пресвяты́я Богороди́цы на святу́ю го́ру Афóнскую пришёл еси́, и та́мо во обі́тели Россійстей водворі́лся еси́, зовы́й немóлчно с рабо́тающими Го́сподеви, а́нгельскую пёснь: Аллилу́я.

Икос 2

Разумёвше отше́ствие твоё́, роді́теля тво́я пла́кастеся го́рце, скорбя́ще о твоём лише́нии, Са́вво преподо́бне, та́же помы́слиша и а́бие посла́ша иска́ти тя да́же до Афóна ве́рныя слугі́ сво́я, я́ко да убедя́т тя к ни́ма возвраті́тися. Ты же, свя́те, пришё́ствие по́сланных слуг уве́дев, му́дре с ни́ми бесе́довал еси́, та́же от них удали́вся, на пирг вы́сокий возше́л еси́, и та́мо постриже́ние и́ноческое восприя́вый, кра́левскую рі́зу твою́, вку́пе с власы́ главы́ тво́ея, в постриже́нии отъя́тыми, по́сланным тем с пи́рга повер́гл еси́, запове́дав им рещи́ роді́телема тво́има, я́ко сын ё́ю Ра́стко, уже́ и́нок Са́вва есть. Такову́ю ре́вность твою́ о спасе́нии помина́юще, зове́м ти си́це:

Ра́дуйся, владѣния земна́го сла́ву презре́вый;

Ра́дуйся, родителя́ твоя́ и оте́чество твое́ Христа́ ра́ди оста́вивый;

Ра́дуйся, на святу́ю Афóнскую го́ру рабо́тати Го́сподеви прише́дый;

Ра́дуйся, во оби́тели Росси́йстей та́мо водвори́выйся;

Ра́дуйся, сея́ оби́тели постри́женец бы́вый;

Ра́дуйся, по́двиги твои́ми о́ную просла́вивый;

Ра́дуйся, я́ко в ней доселе́ и́мя твое́ моли́твенно ублажа́ется;

Ра́дуйся, я́ко оби́тель сия́ тобо́ю све́тло красу́ется;

Ра́дуйся, по́двиги поста́ и моли́твы отце́в Афóнских уди́вивый;

Ра́дуйся, во еди́ной влася́нице босы́ма нога́ма оби́тели Афóнския обоше́дый;

Ра́дуйся, тала́нт, вруче́нный ти, умно́живый;

Ра́дуйся, в послуша́ние ста́рцу богому́дрому во оби́тели Ватопе́дстей себе́ преда́вый;

Ра́дуйся, во смире́нии и терпе́нии зело́ преуспе́вый.

Ра́дуйся, святи́телю Са́вво, первопа́стырю и учи́телю Се́рбский, дивный чудотво́рче.

Кондак 3

Си́лою Всевы́шняго укрепля́емый, свя́тче Бо́жий, по́двиги вели́кия во ино́честве соверша́л еси́, во оби́тели Ватопе́дстей на Афоне́, постом, бде́нием и всяким изнуре́нием умерщвля́я плоть твою́, мраз и зной терпел еси́, а́ки безплотный, и бос ходя́й по о́строму ка́мени неуязви́м пребыва́л еси́, покоря́я плоть ду́ху, любо́вию ко Го́споду вы́ну пламене́вый, во е́же пе́ти тебе́ немол́чную Ему́ песнь: Аллилу́ия.

Икос 3

Име́я попече́ние о спасе́нии душе́внем родите́люю твоею́, о́тче Са́вво, выну́ моли́лся еси́ о сем Бо́гу. Благий же Чело́веколюбец, творя́й во́лю боя́щихся Его́, внуши́ родите́лема твои́ма писа́нием твои́м к ни́ма зело́ умиле́нным, владе́ние земно́е оста́вити и постриже́ние ино́ческое восприя́ти. Сего́ ра́ди оте́ц твой, преподо́бный Симео́н, из Се́рбии на Афон при́иде и вку́пе с тобо́ю в Ватопе́де водвори́ся, с ним же ты ны́не ублажа́ем и зове́м:

Ра́дуйся, спасе́ния душе́внаго родите́льма твои́ма усерд́ный желате́лю;

Ра́дуйся, ко оставле́нию сла́вы земны́я, има́ богому́дрый советода́телю и увещате́лю;

Ра́дуйся, пришест́вием к тебе́ на Афон отца́ твоего́ зело́ утеше́нный;

Рáду́йся, спóстник и сомолíтвенник е́му бы́вый;
Рáду́йся, по́двиги и́ноческия нести́ е́му помога́вый;
Рáду́йся, не́мощи е́го ста́рческия терпелíво носíвый;
Рáду́йся, в недúзех е́му любвеобíльно послужи́вый;
Рáду́йся, тяготу́ скорбе́й и лишéний пусты́нных е́му
облегчи́вый;

Рáду́йся, по́двиги тво́ими по́двиги о́тчия восполня́вый;
Рáду́йся, уго́дника Бо́жия и́стиннаго е́го соверши́вый;
Рáду́йся, е́го благословéнием святы́м осенéнный;
Рáду́йся, вку́пе с ним от вéрных люде́й моли́твенно
почита́емый.

Рáду́йся, святителю́ Са́вво, первопа́стырю и учителю́
Сéрбский, дíвный чудотво́рче.

Кондак 4

Бу́рею мо́ря житѣ́йскаго обу́рева́емым, ти́хое пристáнище на Афóне постро́ити потща́лся еси́, о́тче Са́вво, ино́ческую се́рбскому́ роду обите́ль, Хиленда́рь имену́ему, ю́же Пресвяте́й Богоро́дице посвяти́л еси́, хра́мы Бо́жиими и зда́ньми мно́гими сию́ украси́в, и́мением же дово́льным ю́ снабди́в, и гра́мматами царей́ утверди́в, в ней́же и сам с роди́телем твои́м, преподо́бным Симео́ном, всели́лся еси́ жити́. Сего́ ра́ди обите́ль сия́ вы оба́ кти́торома сво́йма почита́ет, и па́мяти ва́ши торжествую́щи, моле́бно возсыла́ет хвале́бную песнь Бо́гу: Аллилу́ия.

Икос 4

Слы́шав зва́ние Бо́жие преподо́бный Симео́н, к ве́чным обите́лем его́ призыва́ющее, стяжа́ тя, Са́вво богонóсне, моли́твеннаго помо́щника при исхо́де своём, и на руку́ твоёю сыно́вню дух свой Го́сподеви предаде́, те́ло же его́ свято́е ты с подоба́ющею че́стию во грóбе мраморне в собóрном хра́ме Хиленда́рския обите́ли положи́л еси́, и моли́твами твои́ми моще́м отца́ твоего́ мироточе́ния благода́ть от Бо́га испроси́л еси́, сим подви́зая ве́рныя лю́ди зва́ти к тебе́:

Ра́дуйся, всеси́льный и богоприятный к Бо́гу моли́твенниче;

Ра́дуйся, равноа́нгельный челове́че;

Рáдуйся, я́ко святы́я мо́щи и са́мый гроб отца́ твоего́, по моли́тве твое́й к Бо́гу, ми́ро благоуха́нное и целе́бное источи́ша;

Рáдуйся, я́ко сим зело́ обра́дованный Бо́га немóлчно славосло́вил еси́;

Рáдуйся, я́ко оте́ц твой преподо́бный, по сме́рти послуша́ние дивное тебе́ показа́;

Рáдуйся, я́ко по твоему́ прошéнию, изся́кшее от гроба́ ми́ро, па́ки источи́ся;

Рáдуйся, во сла́ве святы́х отца́ твоего́ тайнственно созерца́вый;

Рáдуйся, во све́тлом видéнии обетова́ния благи́я от него́ услы́шавый;

Рáдуйся, я́ко по за́поведи отца́ твоего́ мо́щи его́ от Афóна в Сёрбию тобо́ю принесéни бы́ша;

Рáдуйся, я́ко тако́ в обители́ Студени́цкой со сла́вою мно́гою тобо́ю положéни бы́ша;

Рáдуйся, прославлéния отца́ твоего́ в лице́ святы́х вино́вниче;

Рáдуйся, святы́я па́мяти его́ усéрдный почита́телю.

Рáдуйся, святителю́ Са́вво, первопа́стырю и учите́лю Сёрбский, дивный чудотво́рче.

Кондак 5

Богосия́нное свети́ло быв, Са́вво богому́дре, во́лею Пастыренача́льника Иису́са, на све́щнице Сѣрбскія Цѣркве поста́влен был еси́, и от патриа́рха Вселе́нскаго во архиепи́скопа сѣрбскому наро́ду от земли́ его́ яви́лся еси́, его́же тща́тельно вездѣ и всегда́ поуча́л еси́ в ве́ре святе́й правосла́вней твёрдо и неукло́нно пребыва́ти, богоуго́дно же возноси́ти хвале́бную пе́снь Пресвяте́й Тро́ице: Аллилу́ия.

Икос 5

Видев себе́ разлуча́ема с любимо́ю тобо́ю афо́нскою пусты́нею, о́тче Са́вво, скорбѣл еси́ ду́хом твои́м, оба́че Пресвята́я Богоро́дица яви́ся ти в све́тлом видѣ́нии, и обетова́ньми по́мощи от Нея́ и заступле́ния, скорбя́щую ду́шу утеш́и и укрепí. Тебе́ си́це обра́довану видѣ́нием и бесе́дою Цари́цы Небе́сных, и мы, земни́и, ра́достно вопие́м:

Ра́дуйся, избра́нный сосу́де Ду́ха Свята́го;

Ра́дуйся, при хирото́нии твоёй све́том небе́сным свы́ше осия́нный;

Ра́дуйся, тайнни́че Пресвяты́я Тро́ицы;

Ра́дуйся, собесѣдни́че Пресвяты́я Богоро́дицы;

Ра́дуйся, слы́шавый от уст Ея́ ми́лостивыя глаго́лы;

Ра́дуйся, прие́мый от Нея́ обетова́ние по́мощи и заступле́ния;

Рáдуйся, равноапóстолный Сёрбскія страны́
первопрестóльниче;

Рáдуйся, учредíteлю богоблагословéнных иерáрхии,
поставлénием епископов в Сёрбстей держáве;

Рáдуйся, краснеи нóзе твоё направивый к
распространéнию проповеди Евáнгельскія;

Рáдуйся, Сёрбию свéтом Христо́вым совершéнно
просветивый;

Рáдуйся, мно́ги хра́мы Бóжии и обítели иноческія в
ней воздвигнувший;

Рáдуйся, щедродáтельный мило́стыни подáтелю;

Рáдуйся, благосéрдный ни́щих пита́телю.

Рáдуйся, святíteлю Сáвво, первопа́стырю и учíteлю
Сёрбский, дивный чудотворче.

Кондак 6

Проповѣдник Правосла́вныя вѣры яви́лся еси́ в Сѣрбии, Са́вво свяще́нне, егда́ в собо́рном хра́ме твоѣм Жи́чтем си́мвол Правосла́вныя вѣры громогласно испове́дал еси́, и сей испове́дати па́ству твою́ научи́л еси́, да вси единомы́сленни пребу́дут с тобо́ю, и возмо́гут еди́ними усты́ и еди́нем се́рдцем пе́ти вку́пе с тобо́ю песнь хвалы́ и благодарѣ́ния Триипоста́сному Бо́гу: Аллилу́ия.

Икос 6

Возсия́л еси́, святите́лю Христо́в, я́ко звезда́ пресве́тлая в оте́честве твоѣм земне́м, и лю́ди твоя́ в Правосла́вней вѣре и благоче́стии утвержда́л еси́ златослове́сными поучѣ́нии твои́ми, е́реси же и раско́лы искореня́л еси́ мечѣм сло́ва Бо́жия. Сего́ ра́ди тя, я́ко а́нгела Бо́жия лю́ди сѣрбсти́и почита́ху, зову́ще и велегласно глаго́люще:

Ра́дуйся, архиере́ю, власть вяза́ти и реші́ти досто́йно восприя́вый;

Ра́дуйся, иера́рше, во всеору́жие Христо́во облече́нный;

Ра́дуйся, па́стырю до́брый, гото́вый ду́шу свою́ положи́ти за богода́нныя ти лю́ди и па́ству твою́;

Ра́дуйся, усѣрдный де́лателью виногра́да Госпо́дня;

Ра́дуйся, светі́льниче, сия́ющий и просвеща́ющий сердца́ челове́ческая;

Рáдуйся, лучу пресвѣтлый Сólнца прáвды Христá;

Рáдуйся, чудотворѣния дáром от Гóспода
прослáвленный;

Рáдуйся, исцелѣния мно́гая рука́ма твои́ма
соверши́вый;

Рáдуйся, разсла́бленнаго моли́твою твоёю здра́ва
сотвори́вый;

Рáдуйся, вражду́ единокрóвных благода́тно
умиротвори́вый;

Рáдуйся, в стан неприязненных еди́н ходи́вый;

Рáдуйся, словесы́ твои́ми враждова́вших смири́вый;

Рáдуйся, умёршаго брата́ кра́ля Стефа́на воскреси́вый
и желáние его́ испóльнь, в ино́чество облеки́й его́, наре́кши
Симо́ном.

Рáдуйся, святителю́ Сáвво, первопа́стырю и учителю́
Сѣрбский, дивный чудотво́рче.

Кондак 7

Хотѣние еди́но имѣл еси́, свѣтче Бо́жий, ѣже Бо́гу благоугожда́ти и спасѣ́нью душе́вному бли́жних твои́х служи́ти. Сего́ ра́ди не дал еси́ сна очѣ́ма твои́ма, ни ве́ждама дрема́ния, неле́нотно подвижа́ясь во бла́го свѣты́я Це́ркве Сѣ́рбскія и во спасѣ́ние и по́льзу ввѣ́ренных ти от Бо́га благове́рных люде́й, и вои́стинну соде́лался еси́ столп Правосла́вия и сохранѣ́ние наро́да сѣ́рбскаго непоколеби́мое, и́же тя неле́стно хва́лит и зоветъ укрепѣ́вшему тя Це́ркве Зиждѣ́телю Христу́: Аллилу́ія.

Икос 7

Но́ваго тя Никола́я Мирлики́йскаго и Златоуста́ Цареградскаго стяжа́ земля Сѣ́рбская: чудесы́ бо твои́ми пе́рвому подобен был еси́, златослове́сными же учѣ́нии второ́му подража́л еси́, свѣтителю́ о́тче наш Са́вво, вои́стинну досто́йный благохвалѣ́ний таковы́х:

Ра́дуйся, немол́чный проповѣ́днице Ева́нгелия Христо́ва;

Ра́дуйся, ве́рный послѣ́дователю преда́ний апо́стольских;

Ра́дуйся, свѣты́х богоно́сных о́тцъ нра́вы себе́ усво́ивый;

Ра́дуйся, те́плый моли́твеннице о душа́х на́ших;

Ра́дуйся, неусы́пное молѣ́ние в типика́рнице карѣ́стей на Афоне соверша́ти повеле́вый;

**Ра́дуйся, благовременно и безвременно паству твою
благочестию поучавый;**

Ра́дуйся, мечу́, е́реси и раско́лы посека́яй;

Ра́дуйся, гро́ме, соблазните́лей устраша́яй;

Ра́дуйся, оби́димых засту́пниче;

Ра́дуйся, вдов и сирот́ благоде́телю;

Ра́дуйся, скорбя́щих утешите́лю;

Ра́дуйся, ка́ющихся с Бо́гом примирите́лю;

Ра́дуйся, отроко́в богому́дрий наказате́лю;

**Ра́дуйся, младе́нцев любвеоби́льный покровите́лю и
богому́дрий наста́вниче.**

**Ра́дуйся, святите́лю Са́вво, первопа́стырю и учи́телю
Се́рбский, дивный чудотво́рче.**

Кондак 8

Стáнник и пришлѣц восхотѣл еси́, Христа́ рáди бы́ти, святителю́ Сáвво, подража́яй Спа́су душ на́ших, не имѣвшему где главу́ приклонíti, Егóже рáди ты отѣчество твоѣ оставил еси́, и на поклонѣние святы́м мѣстом в различныя страны́ потѣкл еси́, с вѣрою и любóвию святы́ням в них поклоня́ясь, мѣлостыню́ же мно́гу цѣрквам, обителем и нищѣм раздава́я и воспева́я прѣсно Бо́гу: Аллилу́ия.

Икос 8

Весь в Бо́зе бы́вый, святителю́ преподóбне, о Бо́зе стопѣ твой странничестеи направил еси́ и во святем граде Иерусали́ме, мѣста́ святая́, жити́ем и страда́нием Христа́ Спасителя́ ознаменованная, моли́твенно обходил еси́, сим поклоня́ясь и слѣзы тёплыя от очию твоёю излива́я, я́ко жѣртву любвѣ твоея́ к пострада́вшему нас рáди Го́споду, И́же внуша́ет нам вопíti тебе́:

Рáдуйся, му́дрый странниче, иский отѣчества небѣснаго;

Рáдуйся, Христов избранниче, презрѣвый вся блага земная́;

Рáдуйся, свята́го града́ Иерусали́ма до́льняго благоговѣйный поклонниче;

Рáдуйся, свѣтлаго града́ Иерусали́ма го́рняго усѣрдный и му́дрый искáтелю;

Рáдуйся, Царьград, Палестину, Египет, Синай и Афон посетивый;

Рáдуйся, Ливию, Фиваиду, Антиохию, Сирию и Армению обходивый;

Рáдуйся, по морю и суши многотрудно путешествовавший;

Рáдуйся, многия великия святыни в пути твоём собравый;

Рáдуйся, от пастырей Православныя Церкви вездé с любовью и че́стию приёмлемый;

Рáдуйся, от нищих и убогих за благотворения твоя благословляемый;

Рáдуйся, плéнников свободителю;

Рáдуйся, пустынножителей утешителю.

Рáдуйся, святителю Савво, первопа́стырю и учителю Сербский, дивный чудотворче.

Кондак 9

Вси иноцы великия Лавры преподобнаго Саввы Освященнаго с радостію сретоша тя, богомудре Савво, егда к ним на поклонение пришёл еси, и познаша тя дивнаго пришельца, от лет древних им обетованнаго. Темже тебе, яко достойному, жезл преподобнаго Саввы Освященнаго и две иконе Богородични чудотворней, Троеручицы и Млекопитательницы именуемей, на благословение дароваша ти, поюще гласы преподобными Творцу всяческих Богу: Аллилуия.

Икос 9

Ветийство человеческое не довлёт к прославлению многих чудес твоих, святителю иерарше приснопамятне: море бо волнующееся молитвою твоёю укротил еси, и рыбу дивно из глубины морския в корабль приял еси, недужныя возложением руку твоёю исцелял еси и мертвыя преславно воскрешал еси, яко верный ученик Христа Бога. Темже тебе вопием хвалебно, ублажая тя сице:

Радуйся, обетований Евангельских исполнение приёмый;

Радуйся, смирением высокая стяжавый;

Радуйся, врачу безмездный, исцеляяй недуги душевныя и телесныя;

Радуйся, целебниче благодатный в болезнях с верою к тебе притекающим;

Рáдуйся, я́ко ру́це твои́ честне́и ору́дия целéб яви́стася;

Рáдуйся, я́ко се́ю возложе́нием моли́твенным, боля́щим здравие подава́л еси́;

Рáдуйся, я́ко в чужды́х страна́х пребыва́я, и́мя Христо́во чудесы́ твои́ми прославля́л еси́;

Рáдуйся, я́ко от гра́да в гра́д преходя́, ве́рныя во благоче́стии утвержда́л еси́;

Рáдуйся, я́ко от восто́ка и до за́пада хва́льно бысть и́мя твоё;

Рáдуйся, я́ко бли́жних и да́льных усéрдно ко Христу́ приводи́л еси́;

Рáдуйся, вселéнную я́ко со́лнце пресве́тлое, обтеки́й;

Рáдуйся, я́ко луна́ по́лная богоуго́дное течéние соверши́вый.

Рáдуйся, святителю́ Са́вво, первопа́стырю и учителю́ Сёрбский, дивный чудотво́рче.

Кондак 10

Спасения надежду несумненную имея, святителю угодниче Божий, во град Тернов пришел еси и zde конец странствия земнаго совершил еси, почив о Господе кончиною праведною и святою, ею же мног плачь земли Сербстей сотворил еси. Обаче веруем, отче и архиерею наш, яко аще и вне отечества, по смотрению Господню почил еси, неразлучен же с ним духом твоим пребываеши и ныне молишися Богу о воспевающих Ему песнь: Аллилуия.

Икос 10

Царя Небеснаго Христа верный раб и служитель был еси, богоносне отче наш Савво, и аще почил еси о Господе сном смерти, обаче чудотворити не престаеши и по смерти: священная и всечестная рака твоя лечебница явися недугом человеческим, и самая персть от гроба твоего целебна бысть, яко всем звати тебе:

Радуйся, первопрестольниче святе Сербския страны, со святыми почиваяй;

Радуйся, угодниче Христов, и по смерти преславно чудодействуяй;

Радуйся, град Тернов преподобною твоєю кончиною освятивый;

Радуйся, Болгарскую страну чудесы твоими благодатно озаривый;

Ра́дуйся, по желáнию твоeму́ в по́двиге стpáнствия
жизнь скончáвый;

Ра́дуйся, вне отéчества твоего́ сном смéртным
опочíвый;

Ра́дуйся, я́ко смерть твоя́ честна́ пред Го́сподем;

Ра́дуйся, я́ко успéние твоé торжествует свята́я
Правосла́вная Це́рковь;

Ра́дуйся, я́ко архистрати́г Сéрбския страны́, воeм ея́ во
бpáнех побора́яй;

Ра́дуйся, покрóвом моли́тв твои́х па́ству твою́ при́сно
соблюда́яй;

Ра́дуйся, просвещéния духо́внаго распpостpани́телю и
насади́телю;

Ра́дуйся, младéнцев и отроко́в любвеобильный
наста́вниче, учи́лищ же христиáнских покрови́телю и
озари́телю.

Ра́дуйся, святи́телю Сáвво, первопа́стырю и учи́телю
Сéрбский, дивный чудотво́рче.

Кондак 11

Пѣнием молебным чествуем тя и величаем, святителю, Божий угодниче, и верно совершаем святую память твою: аще бо и в Сѣрбии просиял еси, вся же Церковь вселенная стяжа тя добля поборника, предстателя и молитвенника ко Господу. Темже, поминая житие твое богоугодное и многия подвиги твоя и чудеса, прославляем прославльшаго тя Господа Иисуса, и смиренномудренно вопиём Ему: Аллилуия.

Икос 11

Светлостию чудес сияя, любовь твою к Сѣрбии показал еси, равноапостольне святителю Савво, егда благоволил еси принесенным быти святым мощем твоим в отечество твое земное; ты бо отечестволюбец быв при жизни, и по успении таковым явился еси, и к любящей тя пастве твоей возвратитися мощами твоими восхотел еси, да возвеселиши чад твоих, тебе вопиющих:

Радуйся, началопастырю Сѣрбский, паству твою молитвенно назирая;

Радуйся, благий предстателю с верою тя призывающих;

Радуйся, яко мощем твоим святым в Сѣрбию принесенным быти восхотел еси;

Радуйся, яко волю твою о сем царю Болгарскому Асену в видении возвестил еси;

Ра́дуйся, со сла́вою и че́стию из Те́рнова в Се́рбию
принесе́нный;

Ра́дуйся, в собо́рном хра́ме Миле́шевы, я́ко твоя́
ка́федры, с любо́вию прия́тый и че́стно положе́нный;

Ра́дуйся, брата́ничем твои́м, Се́рбским кра́лем
Владисла́вом, благоговейно почита́емый;

Ра́дуйся, прее́мником твои́м, святи́телем Арсе́нием,
моли́твенно ублажа́емый;

Ра́дуйся, все́ми людьми́ се́рбскими ра́достно прия́тый;

Ра́дуйся, пришество́нием твои́м печа́ль па́сты твоя́
утоли́вый;

Ра́дуйся, чудесы́ мно́гими от гроба́ твоего́ свя́тость
твою́ ознаменова́вый;

Ра́дуйся, поля́, го́ры и де́бри шество́нием освяти́вый;

Ра́дуйся, богоуго́дным жити́ем, му́дростию и вели́ким
тщани́ем Правосла́вие в наро́де сво́ем утверди́вый;

Ра́дуйся, благода́тным заступле́нием и по отше́ствии
тво́ем его́ сохраня́й;

Ра́дуйся, а́нгеле жити́ем, проро́че благода́тию Свята́го
Ду́ха, апо́столе благовествова́нием, му́чениче
испове́данием.

Ра́дуйся, святи́телю Са́вво, первопа́стырю и учи́телю
Се́рбский, дивный чудотво́рче.

Кондак 12

Благодати Божия сокровище, святые и нетленные
мощи твоя, Савво, отче наш, грех ради наших от
нечестивых агарян, врагов христианских, огню предани
быша. Обаче веруем, яко ты и ныне с нами еси, якоже и
прежде, егда благоволил еси мощами твоими видимо род
свой утешати, и молитвами твоими нас сохраняеши от
всякаго зла. Темже поклоняющеся месту святому, на
немже мощи твоя злочестивыми огню предашася,
лобызаем персть, ими освященную, и поем Богу: Аллилуия.

Икос 12

Поюще святое и богоугодное житие твое и многая
преславная чудотворения твоя, святителю отче наш Савво,
смиренно просим тя: не возгнушайся наших не довлеющих
похвал, имиже ты, от усердия нашего чествовати дерзаем,
но приклонися милостивно к зовущим ти всеусердно
хваления таковая:

Радуйся, сострадательный и любвеобильный Сербския
страны неусыпный хранителю;

Радуйся, яко с нею вкупе от злых агарян в мощех твоих
огненное искушение приявый;

Радуйся, столпом сияющим до небес над сожигаемыми
мощами твоими, святость их чудесне проявивый;

Радуйся, сожегшаго мощи твоя воеводу агарянского
грозно наказавый;

Ра́дуйся, и по сожже́нии мо́щей твои́х чудотвори́ти не престави́й;

Ра́дуйся, и са́мое ме́сто сожже́ния их благода́ти прича́стно сотвори́вый;

Ра́дуйся, в видéниях и со́ниих ве́рныя посеща́яй;

Ра́дуйся, бли́жним и да́льным по́мощь твою́ подава́яй;

Ра́дуйся, Правосла́вныя Це́ркве боголе́пное украше́ние;

Ра́дуйся, архиере́ев сла́во и похвало́;

Ра́дуйся, в лице́ преподо́бных сия́ющая звездó;

Ра́дуйся, по Бо́зе и Богоро́дице, кре́пкое на́ше упова́ние.

Ра́дуйся, святителю́ Са́вво, первопа́стырю и учи́телю Се́рбский, дивный чудотво́рче.

Кондак 13

О, пресвяты́й и предивный чудотво́рче, святителю́ о́тче наш Са́вво, / Се́рбския страны́ покрови́телю и всех правосла́вных христиа́н предста́телю! / Приими́ ми́лостивно сиé ма́лое молéние на́ше, / в похвалу́ тебе́ приноси́мое, / и моли́твами твои́ми ко Го́споду, / изба́ви нас от бед вре́менных и ве́чных, / и сподо́би нас вку́пе с тобо́ю / в Ца́рствии небéсном пе́ти Бо́гу, Спаси́телю на́шему: // Аллилу́ия, аллилу́ия, аллилу́ия.

Этот кондак читается или поётся трижды, затем Икос 1 и
Кондак 1.

Икос 1

Ангельскую чистоту́ от юности возлюбив, Савво блаженне, во младости великий подвижник благочестия показался еси́, во еже всем дивитися блонравию и благочестию души́ твоея́, зане́ яко юноша сый и кралеви́ч рождением, постом, бдением и молитвами, плоть твою́ обуздаль еси́. Сего́ ради и слышиши от нас похвальныя пѣсни таковыя:

Радуйся, отца́ благочестиваго и матери блонравныя, сыне Божом возлюбленне;

Радуйся, единого Бога всем сердцем твоим возлюбивый;

Радуйся, рождением твоим родителя утешивый и неплодие ею разрешивый;

Радуйся, плод благословенный, многими молитвами испрошенный;

Радуйся, королевскаго рода Немани отрасль святопрозябшая;

Радуйся, Сербския земли́ духовная красото́;

Радуйся, родителю твоею в старости утешение и радование;

Радуйся, има́ паче других чад, зело́ любимый;

Радуйся, плотоугодие еще во младости отвергнувый;

Радуйся, о благих небесных паче неже о земных выну помышлявый;

Ра́дуйся, чистоты́ душе́вныя и телёсныя до́брый рачи́телю.

Ра́дуйся, святителю Са́вво, первопа́стырю и учи́телю Се́рбский, дивный чудотво́рче.

Кондак 1

Избра́нный от Царя́ сил Го́спода Иису́са Христа́ / и призва́нный благода́тию от кра́левскаго ро́да во иночество и архиере́йство, / первосвятителю Се́рбския Це́ркве, богоно́сне о́тче Са́вво, / удовли́ нас восхваля́ти тя с любóвию, я́ко богодарова́ннаго па́стыря и учи́теля на́шего; / ты же, имёя дерзнове́ние ко Го́споду, / вку́пе с отце́м и бра́том твои́ма по плóти, мироточи́вым Симеоном и преподо́бным Си́моном, первове́нчанным кра́лем, / моли́ся вы́ну о спасёнии всего́ достоя́ния свое́го, Правосла́внаго наро́да се́рбскаго, / и о нас грёшных, избавля́я от всяких зол, бед и скорбе́й, вопию́щая ти: // «Ра́дуйся, святителю Са́вво, первопа́стырю и учи́телю Се́рбский, дивный чудотво́рче».

Молитва первая

О, священная главо, преславный чудотворче, святителю Христо́в Са́вво, Сѣрбскія земли первопрестольниче, хранителю и просветителю, всех же христиа́н благонадѣжный пред Госпо́дем предста́телю! Тебе́ припадаем и моли́мся: даждь нам бы́ти прича́стником любви́ твоея́ к Бо́гу и бли́жнему, е́ю же при жи́зни святая́ душа́ твоя́ преисполнена бысть. Озари́ нас истиною, просвети́ ум и се́рдце на́ше све́том Божѣственнаго уче́ния, научи́ нас тебе́ подража́ти ве́рно, Бо́га и бли́жняго на́шего любя́ти и за́поведи Господни соверша́ти непогрешительно, да бу́дем и мы ча́да твоя́, не по и́мени то́кмо, но всем жити́ем на́шим. Моли́ся, святы́й архиере́ю, о святей Правосла́вней Це́ркви и оте́честве твоём земне́м, прісно ты любви́ю чту́щем. Призри благоутро́бно на всяку ду́шу ве́рных твои́х чтителей, ми́лости и по́моци твоея́ ищущих, бу́ди всем нам в болѣзнях целитель, в скорбех утешитель, в печалех посетитель, в беда́х и ну́ждах помощник, в час же сме́ртный ми́лостивый покровитель и защититель, да по́моцию моли́тв твои́х святы́х, сподобимся и мы грѣшнии спасѣние ве́рное получи́ти и Ца́рствие Христо́во унаследовати. Ей, святче Бо́жий, не посрами́ упова́ния на́шего, е́же на тя кре́пко возлага́ем, но яви́ нам твоѣ многомо́щное заступле́ние, да сла́вим и поѣм дивнаго во святы́х Свои́х Бо́га Отца́ и Сы́на и Свята́го Ду́ха, всегда́, ны́не и прісно и во ве́ки веко́в. Ами́нь.

Молитва вторая

Во святителех великое украшение, богомудре отче Савво, молимся раби твой и припадающе, вопиём ти: не остави своих чад, отче, но буди всегда с нами, якоже обеща́лся еси́, да и мы по долгу воспоём тя, ублажим тя и прославим величие и силу твою́ и достойную песнь принесём ти, вопиюще и глаголюще: тебе́ ублажа́ем, святителю; тебе́ воспева́ем, светильниче; тебе́ поклоня́емся, отче Савво! Моли́, моли́мтиса, спастиса пою́щим святу́ю твою́ па́мять. Ами́нь.